

Čestitka povodom predstojećeg Ramazana

Ramazan je mjesec koji povezuje dva veoma značajna momenta u životu muslimana: obavezu posta i sjećanje na objavljivanje Kur'ana. Trenutak dodira Neba i čovjeka, trenutak spuštanja Objave kao najvažniji trenutak u cjelokupnoj povijesti svijeta dogodio se u blagoslovljenom mjesecu ramazanu, u noći Kadr, noći prve Objave i prvog kontakta između Boga i Njegovog poslanika Muhammeda alehisselama. Otuda

vjernici u mjesecu ramazanu kao mjesecu Kur'ana pojačano uče, čitaju proučavaju i razmišljaju o

kur'anским porukama, poukama i napajaju se njegovim sadržajima koji imaju trajnu vrijednost. "Uči, čitaj i proučavaj u ime Boga koji je sve stvorio"-prve su riječi Kur'ana koji predstavlja središnju istinu islamskog života u kojem musliman živi od rođenja pa sve do svoje smrti


Post je najspecifičnije obilježje ramazanskog života i najvažniji vjerski obred koji se može uraditi u ovom mjesecu.

Post je čin ljubavi stvorenog prema Stvoritelju i izraz snažne volje da se upravlja sobom i svojim

prohtjevima. Zato Uzvišeni Bog za post kaže: "Post je Moj i Ja za njega posebno nagrađujem". Čovjek je u sredini između razuma duše i požude tijela. U tom stalnom nadmetanju između čovjekovog duha i čovjekovog tijela najbolji sudija je pobožnost kojeg propisuje vjera kroz post. Jer u postu duša i tijelo postaju jedno biće u pokornosti Uzvišenom Bogu.

Kroz post kao drevni vjerski obred i dio univerzalne duhovne institucije prisjećamo se plejade Božijih poslanika, drevnih naroda i

civilizacija koji su kroz post željeli pridobiti Božiju naklonost, uputu i Milost. Dok postimo prisjećamo



se i suosjećamo se sa milijunima siromašnih i gladnih u svijetu kojima je post svakodnevnica. Dok postimo, u čaši vode i u jednom zalogaju hrane vidimo Božiju milost i najvjerodostojnije se osvjedočujemo u našu nemoć i egzistencijalnu ovisnost o našem Stvoritelju. Kroz drevni post ispunjavamo različite dimenzije ljudskog poimanja bitisanja i realnosti.

Ramazan obiluje značajnim događajima u povijesti islama iz kojih čitamo poruke milosrđa, dobročinstva, suosjećanja koje

U OVOM BROJU BILTENA

- Imam Ismail ef. Fetić uspješno odbranio magistarski rad
- Ramazanska Vaktija
- Osnovan Medžlis bošnjačkih džemata u Kanadi
- Upis u novu školsku godinu za polaznike mekteba i škole bosasnog jezika

posebno oživljavamo u ovom mjesecu, mjesecu kada se svako dobro djelo višestruko nagrađuje. Nadam se da ćemo svi uspješno položiti ramazansku školu u kojoj je najvažniji predmet strpljivost, te izgraditi moralne kvalitete koje su nam danas itekako potrebne. U tom kretanju i naglašenju relaciji vidimo snagu mjeseca ramazana i blagodati njegovih dana i noći. U želji da sve blagodati ovog časnog mjeseca doživite **RAMAZAN ŠERIF MUBAREK OLSUN!**

Novosti iz naše zajednice

1. Kalendar ramazanskih aktivnosti naše zajednice možete naći u **vaktiji** koja je sastavni dio ovoga biltena.

2. Bošnjački islamski centar Hamilton je jedan od osnivača **Medžlisa bošnjačkih džemata u Kanadi**.

Polazeći od činjenice da su bošnjački džemati u Kanadi postigli vrijedne uspjehe u svom duhovnom i materijalnom životu i da posljednjih godina bilježe sve bolje rezultate u domenu međusobne suradnje, a u cilju stvaranja pretpostavki za dalje unapređivanje ovih i drugih vidova djelovanja, Upravni odbori osnivača usvojili su Odluku o formiranju Medžlisa bošnjačkih džemata u Kanadi. Medžlis je jedinstvena, koordinirajuća organizacija bošnjačkih džemata u Kanadi koji se dobrovoljno i ravnopravno udružuju u cilju boljeg organizovanja vjerskog života i djelovanje u skladu sa Kur'anom i Sunnetom, zakonima Kanade i svojim normativnim aktima.

Osnivačka skupština je održana u nedelju 13 maja ove godine u Torontu.

3. Obavještavamo članove naše zajednice da je **imam Ismail ef. Fetić** uspješno odbranio magistarski rad na temu: "Iskustva muslimana u kanadskom Kulturnom mozaiku sa posebnim osvrtom na kanadske Bošnjake" na Graduate Theological Foundation (GTF) visokoškolskoj instituciji koja je formalno povezana sa Oxfordskim univerzitetom. Time je stekao akademsku titulu magistra Islamskih nauka. Za svoj naučno-istraživački rad imam Fetić je dobio nagradu, Ibn Taymiyya. Oba odbora naše zajednice čestitaju imamu na ovome važnom uspjehu.

4. Odbori Bošnjačkog islamskog centra Hamilton obavještavaju članove da se na žalost **neće održati planirani teferić zbog nemogućnosti rezervacije mjesta za teferić**.

Izvinjavamo se našim članovima na ovome odkazivanju.

5. Odbori Bošnjačkog islamskog centra Hamilton obavještavaju sve članove zajednice koji imaju djecu staru od 7 do 18 godina da će se upis u novu školsku godinu za polaznike mekteba i škole bosanskog jezika održati u nedelju **2. Septembra 2012** u džamiji sa početkom u 11:30.

6. Komisija za izradu dokumentacije za izgradnju džamije obavještava članove zajednice da je sva potrebna dokumentacija za početak izgradnje džamije predana nadležnim organima grada Hamiltona. **Odmah po dobivanju saglasnosti za sve dokumente možemo početi sa izgradnjom džamije, ako Bog da.**

POSTANITE REDOVAN ČLAN ISLAMSKJE ZAJEDNICE!

Apel - Pomozite izgradnju nove džamije - BIC Hamilton!

Vaše donacije za izgradnju novog islamskog centra (džamije) u Hamiltonu možete uplatiti direktno u našem objektu, koji je otvoren svakim danom ili slanjem čeka sa naznakom: Vakuf-donacija za izgradnju novog islamskog centra (džamije) na poštansku adresu:

**BIC of Hamilton
P.O.Box 56073
Stoney Creek, L8G 5C9**

Elektronska (Online) opcija za uplate donacija za izgradnju nove džamije dostupna i na našoj Internet stranici

www.bichamilton.com

Bilten izdaje: IO BIC Hamilton **Glavni i odgovorni urednik:** Emir Ramić **Uredivački kolegij:** Svi članovi IO BIC Hamilton

Telefoni: džamija **905 662-3678** ; urednik **905-385-3606**

Čestitamo Vam nastupajući mjesec ramazan, da ga u zdravlju, radosti i rahatluku provedete!

Bošnjaci u Dijaspori bez članstva u džematu su bez opredjeljenja, a neopredjeljenje je stanje Beskonačne Opasnosti!
DŽAMIJA JE OTVORENA SVAKIM DANOM ZA PET DNEVNIH NAMAZA